

8 DE MARZU

DÍA INTERNACIONAL DE LA MUJER TRABAYADORA

2021

LA LLERCIA PARALIZA, L'ANARCOFEMINISMU MOVILIZA



DÍA INTERNACIONAL DE LA MUJER TRABAYADORA

DÍA INTERNACIONAL DE LA MUJER TRABAYADORA



Confederación Xeneral del Trabayu

rojoynegro.info

cgt.org.es

@CGT

Manolito Rastamán...2021

EMAKUME LANGILEAREN Nazioarteko EGUNA

DÍA INTERNACIONAL DE LA MUJER TRABAYADORA

¡LA LLERIA PARALIZA, L'ANARCOFEMINISMU MOVILIZA!

Una vegada más, la patronal, la clas política y los sindicatos verticales auníeronse p'atentar escontra la clas trabayadora, invisibilizando y amatagando inda más les desigualdaes que sufrimos les mujeres.

L'entamu pali que pali de l'actividá nos servicios non esenciales, la estafa del permisu retribuyú recuperable, el teletrabayu reconocío como medida de conciliación y non como medida preventiva pa evitar la esposición al contaxu del covid19, la omisión de permisos retribuyíos pa conciliar, les escases midíes de proteición nos centros de trabayu y la perda d'emplegu que derivó en bien de casos na perda la vivienda, van azotar tovía más nos sectores feminizaos y en consecuencia sobre les mujeres y les families monomarentales, sometiéndonos al aumentu de toles fiendes que sufrimos pol fechu de ser mujer y clas trabayadora.

Aprovechando l'andanciu, l'estáu va crear delles midíes inda más represives pa nosotres. Mientras nos encarcelen dientro de les nueses cases, condenándonos a la sobrecarga que supón asumir tolos curiaos, y paralicen les nueses vides, oblíguennos a caltener activu'l sistema capitalista al traviés del teletrabayu. Vulneren los nuesos drechos algamaos (implantando ERTE, flexibilización total d'horarios), dando asina continuidá a l'aspiración eterna de la patronal que poco a poco va algamando'l so propósitu: trabayadores afayadices nun curtiu espaciu de tiempu, ensin drechos y ensin protestes.

Nomar y asoleyar les desigualdaes que sufrimos ye imprescindible pa tomar conciencia hacia esa tresformación por un mundu libre ya igual.

Una vegada más, les mujeres venimos d'autoorganizanos pa cubrir toes eses carencias que la clas política nun quixo desaniciar. Nosotres mesmes vamos crear redes d'apoyu pa sofitar a les personas frayaes, a les mujeres zarraes col so maltratador y a tou esi gran sector feminizáu que fai parte de la economía somorguiada y son escaecíes polos medios de comunicación y los estaos.

La educación feminista y l'autoorganización de les mujeres son les nueses ferramentes principales.

Somos anarcofeministes, naguamos por un mundu nuevu, pero non esta nueva normalidá.

Poro, llamamos a la revolución, pa esfarrapar xentes la sociedá machista y heteropatriarcal que nos asfixa y que busca desintegrar la nuesa fuerzia feminista.

Por un mundu nel que la igualdá nun seja una utopía, sinón esa realidá que les mujeres llibres lluchamos por construyir.

